

備廬聯語序

晚近世變日蹟人事酬酢亦因而愈蕃贈答慶弔不能無假於文詞以摭其情愔聯語之作則醺世文之一種也顧塵纓羈縛類皆由敦迫局促以成文可詠可歌端資妙筆

袁潔珊先生熱腸俠骨情深文明其遇朋好尤豁露天眞殷殷致意所爲聯語精粹者幾與求闕齋相頡頏年來積成卷帙儻不及時收拾懼便散佚爰付剞劂公諸同好吾知讀是編者見其滿目琳琅必有如與

先生快晤於一堂而欽挹弗置者固不獨付印者流播文藻之意爲可嘉也丙寅仲冬北鎮李維楨

備廬聯語甲集

乙卯

輓史曜五母夫人

至性嫔淮安曾聞封臂療親天心頓挽

因公趨偃室未識隔屏窺客母意云何

曜五任吾遼州牧三年母曾在任就養

惟仁人乃有仁言香爇萱堂祝版銘心通帝座

是賢母始生賢子歡承棠舍板輿回首憶遼陽

又代

事親能孝事夫能賢教子以忠教婦以順

持家克勤持身克儉遺言可誦遺範可傳

孝行比割股封肝庸德動天當代女宗額錫字

令子能推心置腹頌聲載道襄平善政口皆碑

女宗樹當代表坊里黨稱賢主座褒崇輝寶額
哲嗣作蒼生霖雨紳耆戴德政廳聲績冠陪京
桑海閱春秋回首通遼潘岳板輿瞻奉母
花亭告天帝抗懷清獻趙公祝版比焚香

三千里遊子歸來侍疾雖數旬羨大好官聲母當含笑
一兩幅褒辭寵錫樹型冠當代問吾鄉坤道誰實嗣音
里鄰稱賢遺徽好樹閨門式
洮遼頌德教子能成政治家

又 代雨帥

我本軍人佩令子兵站宣勤蒙境膚功資後路
母留慈範看主座褒辭錫寵女宗寶額耀前楣

新年春聯

明月綠楊好共芳鄰接洽

春風紅杏欣看大塊文章

插架芸香對往籍古歡若接

當窗草綠與自家生意一般

輓趙鵬展局長母夫人

萱草戀春暉方欣瀋水來遊潘岳板輿瞻奉母

蓼莪吟臘日太息慈航遠逝皋魚血淚痛呼天

丙辰

輓本溪煤鐵公司王介臣科長之第二如夫人

代蘇上五

藁砧綺恨幾時銷料每逢柏葉光陰輒欲招魂蘭閣

卒於正月

裙帶芳情何處繫猶應望桃家姊妹

王連納小星二氏因氣而卒

從今好事檀郎

輓熊信三

代

君本磊落才走萬里路讀萬卷書聲望軼同儕玉樹森森流秀韻
天留缺陷憾抱四方憂享四旬壽几筵開悼會竹林策策起悲風

輓金靜忱代

以隻手創百萬家私是何等魄力何等經綸社會幾如公度日成功留矩矱
每回首溯特別瞻注幸聯爲姻親聯爲世誼殷勤常顧我臨風想像悵生平

輓愛新覺羅母完顏太夫人

風範仰持家德育英才

兩子大學卒業

玉樹爭標京國望

月台曾僦屋

在京師月台大門同院住年餘

近依慈蔭綠楊分得畫堂春

輓畢輔廷知事尊人

有子現宰官身德洽本溪

輔廷署本溪篆

遼左咸沾賢父澤

維公留後輩式風高長埠

係長春人

天南遙墮老人星

輓趙壽山母于太宜人

萱草戀春暉方期官舍侍親板輿潘岳
蓼莪披斷簡詎意慈航逝影血淚皋魚

輓王潔南代

園法待籌潘水來游幸獲識荊邀晤話
哲人頓萎延陵悵望那堪掛劍賦招魂

輓陳介卿母賈太夫人

有子振軍界紀綱剛正嚴明兵憲規條嫻虎略
維母留家庭模範端莊淑慎女宗聲望重鰲邨

家於海城
騰鰲堡

又代蘇上五

羨令子術習韜鈴學赴蓬瀛

介卿以留東畢業
官京師憲兵司令

萬樹櫻花同載酒

介卿在東喜
與上五遊飲

維慈母德貽模範名高梓里一叢萱草痛登堂

輓張子澐

以一身繫全省安危公逝乃行決策

辛卯之變始對黨人以和平君死於黨亂乃強硬對待之卒獲安全幾冠全國

惟同輩少先生品格余懷不覺愴然

颯颯悲風牛彖一行西佛爲何接引

君行抵遼中西佛牛彖爲黨人某所害

茫茫後日馬封三尺東陲誰管安危

來日大難著手鄉邦公在是何等力量

君爲張巡閱所最敬重者

當年小聚談心議會孤懷真獨有性情

充常駐議員君落落寡合與余最相契

隻眼識英雄桑梓蒙庥軍民受福

一身殉社會名高庠序氣壯山河

輓趙燕孫

來日大難地棘天荊翻不若遺世仙遊吐棄塵凡撒手別尋極樂處
識公恨晚詩鐘酒榼猶想見歷官清節翱翔直奉抗懷真有古人風

又

游宦遼東雙鳳飛來琴鶴家聲齊競爽

其兄菱甫有政聲

卜居河上一螺吟罷女牛昨夜爲招魂

卒於七月八日

又代劉海泉

公握縣符我依函丈公司財柄我佐度支十餘年備荷甄陶方期風範親承常此登龍遂願

昨看牛女今悵人琴昨主詩壇今證佛果三五日偶違顏色詎料雲輶駕駛幾時化鶴歸來

輓奎孝廉萃廷

人生最好少年人羣最好良友翼舍奮雲程劇難忘肄業萃升捷足先登興會科名看秋榜

曩同肄業藩垣萃升書院

君來我未晤面君病我未聞聲官齋驚電耗萬不料棲遲旅困招魂遽賦淒涼書劍

委春華

卒於藩陽春華旅館

傳風聯語
輓溫母伊太夫人

志在四方之謂何最足欽訓懷萱堂有子軼凡才秀幹亭亭森桂樹
五子皆矯然自立
壽享七旬而猶靳更可悵皈依蓮座闔門思令範悲風策策動竹林

輓梁任公尊人蓮澗先生

覺世牖民有子任天下之重

淑身濟物當今舍先生其誰

輓湯濟武母張太夫人

出處繫安危物望攸歸有子爲人倫師表
時官教
育總長
生平問遭際諸艱備歷惟母稱當代女宗

輓湯濟武元配夏夫人

慈座追隨願向泉臺伸孝養
後湯母三
日而亡

片帆無恙魂從瀛海賦歸來
卒於
東洋

清兒完婚喜聯

玉映珠輝百年佳耦

蘭芳菊秀九月良辰

敢云家運如何生兒尙期克肖

自古名言可佩教婦惟在初來

輓施豈凡

當世方賴斯人鵲起鷹揚甚羨凌雲騰健翮

留東士官學校卒業在京講武堂任教務卒時僅逾三十士論惜之

吾鄉又弱一个蘭摧玉折那堪驀地挫英材

丁巳

輓扈仙舫

在總商會主稿數年杜門謝客意興蕭然

在城市如在山林對擾擾塵寰偏能匿迹銷聲別存懷抱
變桑田又變滄海悵茫茫前路胡弗高舉遠引竟脫範圍

輓孫鐘舞之祖母韓太孺人

令孫乃教育專家憶從東海帆迴實業造許多子弟

鐘舞學校校長

大母著閨門懿範太息西山日薄重闌賸想像音容

輓趙芸齋之尊人岱封先生

有子具宰邑材猷花縣春濃前路羽豐淩健翮

家於前營城

行人指點說芳型

輓鎌田所長夫人菊子

東瀛仙子御靈槎鸞閨影逝鹿島魂歸恰當柏葉香時撒手定含思女淚

卒於正月

又代

鹿島返芳魂可堪睽戀雙雛臨逝猶含思女淚
鸞閨留肖影最悵淒涼孤鶴獨眠應觸望羣心

輓同里吳興邦

衡宇重同鄉相友相助相扶持休戚攸關回首有如昨日
滄桑思往事爲公爲私爲社會音塵頓隔傷心竟到今朝

輓宗室鍾啟之尊人清江先生

衡宇結芳鄰記曾地址鶯遷同此月台小住
滄桑思往事最佩天潢龍派何人風範相如

輓王毓民母薛太夫人

子孫抱雋異才官場學校成績昭然聲望重陪京瑞輯一堂爭豔羨
閨門留模範史蘆荻熊丸懿型宛在雲霞粲瑤島圖開九秩看全歸

輓丁屆辰

軍械廠長

之父撫仲先生

死於匪難

有子具虎豹雄韜爭看紫電青霜嚴裝武庫
如公應松喬上壽詎意淒風苦雨竟赴泉臺

又代

天醉胡爲誰向三生談絮果
公歸安往我來二月仰松邱

輓方梅生之胞兄蘭生

轉瞬古稀天胡此靳

十六年九月

愴懷今世人之云亡

輓賈炳卿之祖母劉太宜人

壽逾八旬懿範式閨門闕北鳳書褒節孝
春回三月奇葩燦瑤島海東鳥使迺歸來

輓趙嘯廬先生

次老之胞弟

儒雅風流世有幾輩

抑塞磊落公本奇才

輓張紀辰之父錫三先生

壽享七旬閱盡桑滄浩浩乾坤鶚睨鵠飛傷往事
春回二月蔭留蘭玉茫茫城郭鸞驂鶴化盼歸來

輓鐵嶺楊古亭

紹時

大名慕楊龜山一瓣香薰心甘弟子
理學繼郝雪海六旬壽考首重膠庠

輓同善堂堂長王熙春之尊人襲卿先生

有子爲慈善專家濟溺起衰看他八百孤寒羣依覆幬
惟公留里閭雅範年高德劭脫此三千世界厭覩滄桑

輓郭鳳五暨其繼配樂孺人

攜手賦同歸婦隨夫唱泉路偕遊奄化在一朝痼疾爭拋俗累
回頭思往事排難解紛鄉鄰是賴睽違剛數月驚聞竟作古人

某君六旬祝聯

閱歷滄桑天周甲子

逍遙杖履人是羲皇

輓浙江軍署參謀長趙聯璜

代楊鄰葛

議席幸識荆京津聚首時接雄談方欽霞舉軒軒展厥韜鈴指日挽回厄運
棋枰未了局風浪縈心正需健者詎料電傳咄咄變生咫尺驚天竟隕臺星

輓莫月樵之母徐太夫人

瀛眷寄京門親操井臼辛苦獨嘗共欽教子成名媲美熊丸常留閨範
板輿奉官舍歡侍鸞幃瞻依綦篤詎料還鄉棄養迎來烏使遽返瑤池

節烈顧鄒氏建坊刊聯

詠柏舟詩有始有卒母也天只乃能相諒
過石闕下爲坊爲表後之覽者其感於斯

輓榮錦廷繼配王夫人

衡宇重居停綠楊分蔭紅杏偃春憶自我結鄰每聞人比蕙蘭生子寧馨森玉樹
藁砧增感想蠅帳風淒鴛帷月冷問遊仙何處棖觸星窺牛女招魂哀悼向珠林
奉天師範學校成績觀摩會

不陵以施相觀而善

允矣君子展也大成

肇子岐附祀僧親王祠爲撰聯語

功在地方雞犬桑麻萬姓歌謳思捍衛
典褒忠義馨香俎豆千秋名字播清芬

輓堂嫂陳孺人

到吾家四十年閭範常存荇菜葛覃共說幽閒貞靜
阻道途百餘里靈帷遙望遶雲瀋水那禁感喟唏噓